

欽定剿平三省邪匪方略

正編

十六



欽定剿平三省邪匪方略正編卷二十五 丁巳年

二年正月初二日 癸卯 惠齡慶成奏言查賊匪現

分兩起一向東南逃竄業經恒瑞等帶兵前往

截剿一向東北逃竄永保等帶兵兜擊 臣 惠齡

接辦後據各兵弁探報此起夥黨又分三股現

在梓山王家城紅土岡等處民村分擾約共七

八千人等語 臣 查王家城離紅土岡約六七里

距梓山二十餘里賊人三處分拒意欲牽制官

兵必須出其不意分路進攻可期制勝隨派副

將丁有成帶領官兵截住梓山賊人來路叅將

穆克登布帶兵徑過紅土岡截殺賊匪

臣

惠齡

率領副將百祥等帶兵由北面進攻王家城

臣

慶成會同總兵德光督率副將觀祥等帶領綠

營官兵由東路進攻巴克坦布訥音督率翼長

舒通阿等帶領馬兵由西路進攻並令副都統
六十七巴圖魯侍衛哲克等分帶馬兵伏於東

南一帶策應又派候補道府恒慶巴拜率領鄉

勇在王家城西北山橋堵截於十二月二十四

日寅刻同時並發直抵王家城壘該處前後皆

有山河陡坎深險東南一帶高岡約長四五里

賊匪分拒河沿山岡密如蟻聚並將前後河岸

培高數尺距河抗守惟時天尙未明賊人已

知覺密於河坎伏候我兵渡河臣等隨督將領

兵丁繞河用礮轟擊殺死數十人賊匪少退隨

卽帶兵搶過彼岸賊見官兵三路渡河進攻亦

分三路前來抗拒官兵直前撲殺鎗箭齊發賊

匪各用門板遮護臣等當令巴圖魯侍衛等帶

領馬兵衝入賊隊賊匪立脚不住四散奔逃我

兵乘勢上前刀砍矛戳殺死賊匪多人時臣慶

成德光巴克坦布訥音等已從東西兩路掩殺
前來三面圍剿伏屍遍地賊匪狂奔復行佔踞

山岡從上施放鎗礮臣慶成同六十七帶領巴

圖魯侍衛及奮勇馬兵由岡西抄上副將觀祥

都司岳寧阿帶領馬兵由岡東抄上殺死數十

人賊匪盡向紅土岡賊寨飛逃臣思王家城雖

已奪獲餘匪尙多且紅土岡屯聚賊匪見夥黨
敗逃自必驚惶莫措亟應趁此奮力攻擊隨激
勵官兵鼓勇直前將至紅土岡賊匪已豫爲准
備排列山梁我兵向上迎撲賊匪居高下壓稍
得地勢時有直隸督標把總董紹昌首先射死
執旗賊目一名帶領兵丁索明才等六名奮勇
搶上大兵隨一湧直進賊匪見賊目被_斬轉身

亂竄我兵馬步齊上橫衝直擊登時殺賊無數
賊人向山岡南首紛逃穆克登布帶兵自後窮

追甫至山嘴忽伏匪千餘人突出並有敗逃匪

黨合衆助勢將穆克登布圍裹該將率領弁兵

奮力衝擊適副都統訥音帶領策應馬兵自後

而來德光丁有成亦均趕到官兵見有外援勇

氣倍增穆克登布督兵衝殺內外夾擊殲斃多

賊當卽破圍而出餘匪潰亂又追殺十餘里惟

把總董紹昌衝入賊隊中鎗陣亡時已天晚該

處地勢平曠賊匪四散奔逃不便零星追襲致

勞兵力當卽紮營暫住計此次拏獲活賊李天

澗等二十一名割獲首級九十八顆奪獲馬騾

牛驢二百餘匹分賞出力官兵糧食分賞鄉勇

鎗礮刀矛留營備用隨提李天澗等逐一訊問

據稱兩路賊匪尙有一萬數千人姚之富等現
已奔逃鍾宜一帶此起北竄賊目係劉起榮張

富國二人因官兵截殺未能前去現又逃往何

處實在不知等語當將各犯概行梟示查看賊

蹤似欲折回向南歸併一處臣等一面飛札恒

赫瑞等相機截殺一面帶領官兵分投剿捕期將

首逆速行擒獲奏入

上命軍機大臣傳諭惠齡曰惠齡等帶領將弁官兵

截剿東北一路賊匪渡河追殺將王家城紅土岡

賊壘攻克雖據稱被殲賊衆伏屍遍地但割獲首

級僅九十餘顆且據稱賊匪尙有萬餘而所殺之

賊不及百分之一所辦未足慰懷現在東北一路

祇餘梓山一處而姚之富等訊據獲犯供稱已奔

逃鍾宜一帶此旨到時若惠齡已將梓山賊匪剿

淨並生擒劉起榮張富國則姚之富之羽翼旣去
其勢益孤凶屬甚善倘梓山賊匪尙需搜捕惠齡
竟當統領官兵速赴東南一路與恒瑞等會合速
將逃竄鍾宜賊匪四路截殺設法擒獲姚之富爲
要其竄匿梓山賊匪祇須派令領兵大員一人酌
留一二千兵在彼攻剿劉起榮張富國究不過姚
之富黨與若能將姚之富擒獲則該二犯失所倚

恃更易成擒惠齡當以永保爲前車之鑒奮勉截

殺務擒賊首不可專事尾追致賊南北奔竄分我

兵勢耽延時日所有此次帶兵各員除慶成前次

隨同貽誤俟事竣核其功過再行降旨外訥音德

光六十七丁有成觀祥穆克登布岳寧阿著惠齡

存記如果始終出力卽咨部議敘兵丁索明才等

請著惠齡查明若再奮勇殺賊酌量以外委拔補

把總董紹昌衝入賊隊中鎗陣亡殊爲可惜著咨
部照千總例議卹至東南一路竄匪旣經恒瑞帶
兵往剿何未據奏及得勝情形恒瑞等旣隨同玩
悞於前若再不上緊剿辦使姚之富又復他逸試
思當得何罪勉之慎之

初四日乙巳宜綿秦承恩柯藩奏言查汝河賊匪

因聞安嶺將軍山大小米溪等處俱已蕩平心

懷畏懼盡數併入洞河五作雲賊巢合力抗拒

該處舊名板廠寨居萬山之中五峯環列各高

十餘里中有小山包一個四面陡崖從前順治

年間曾有巨寇負固多年始行殄滅賊匪於此

地壘砌石城一道其內又圈一木城並於出入

要路各設石卡豎立木柵分衆拒守自數百人

至千餘人不等布置極爲嚴密寨之前面爲洞

河右爲大道河左爲汝河其後爲斑鳩關雷打

石臣宜綿山洞河進兵迎擊賊人前面臣柯藩

索費英阿由大道河汝河分路進兵遶截賊人

後路又賊寨東北有花梨岡小路一條可以抄

出大道河之後柯藩一人難以兼顧臣宜綿隨

知會臣秦承恩帶領兵丁及湖北竹谿縣投効

鄉勇由花梨岡進擊其運送軍火糧餉交漢興

道文需經理臣等布置已定因初七八日以後

兩雪連綿難以進兵至十五日雪勢愈大料賊
匪防守必懈莫若乘其不備一鼓前進隨密行
知會各路定於十六日一齊進兵索費英阿在
牛頭寨察看五作雲賊寨後連設五卡必須奪
佔各卡居高臨下攻撲始易卽於是日寅刻帶
同叅將李文蔚等各帶兵勇潛攻賊人頭卡賊

人果未設備鄉勇向明山首先越進卡內我兵
一擁齊上刀砍矛刺賊人跑避不及盡被殺斃
索費英阿卽乘勝催兵將第二第三兩卡登時
攻克進至第四卡賊人於卡內施放鎗礮備禦
甚嚴我兵不能撲上隨將官兵撤回第三卡內
趕運大礮轟擊一日始將第四卡五卡攻破殺
斃賊匪八九百人卽佔踞五作雲之上

臣柯藩

由迴水灣進至班鳩關攻破賊卡卽派都司關
聖保帶兵三百名在關住守以防賊人竄逸入

川之路一面督率遊擊海洪阿等帶領兵勇進
攻萊麻坪賊卡賊人乘高安礮迎擊我兵不能
向前有把總馬存外委傅祿兵丁袁芝竹溪鄉

勇吳繡才鍾萬周柯以得等伏地蛇行而進撲
上賊卡奪礮吳繡才被礮轟斃鍾萬周被矛扎

死馬存等趨勢撲上搶獲賊礮推滾下山與賊衆拚命格鬪其時海洪阿等各帶健兵手執短

刀跳進賊卡縱橫砍殺滿山追逐殺死一千餘

人臣秦承恩督率署副將圖興阿等帶領兵勇

進至花梨岡賊衆約六百餘人據卡固守鎗礮

齊發我兵連撲三次未能卽上銳氣倍增適賊

礮炸裂自行轟斃多人並將卡內火藥烘燃烟

焰冲起圖興阿等督率兵勇乘勢撲進將賊卡

奪獲卡內賊匪盡數殲斃

臣

宜綿帶兵自洞河

口起行懸崖小徑僅能魚貫而入抵小壩子賊

卡賊人正在炊飯我兵吶喊齊上賊望風奔潰

我兵隨後追捕殺斃甚多傍晚趕抵因連橋見

賊衆七八百人於橋岸排列烏鎗刀矛勢甚扼

要難以乘夜進攻暫行劄住傳問土人知下游

十里外水淺處渡河翻過兩道山梁卽係賊人

後路臣宜綿隨密派叅將雷仁等帶兵於二更

後潛行渡河抄出賊後以鎗聲兩響爲號因道

路紆迴至次早始聞鎗聲卽督飭兵勇奮力搶

橋賊人只顧向前抵敵不料後有官兵忽從山

梁壓下勢甚慌亂我兵前後夾擊殺死賊匪五

百餘人餘匪皆滾崖落河身死十八日黎明各

路官兵會齊俱進逼五作雲大寨賊人悉衆入
城抵死抗拒我兵奮勇撲上俱被賊人鎗礮擊
退隨挑選勇敢弁兵各執擋牌千觔直撲城下挖
掘城根賊人搗石如雨我兵立脚不住間有損
傷都司白印斗守備楊虎千總馬龍候補千總
張宗諮等各運大礮轟擊奈城壘甚堅自辰至
午摧缺數處賊匪拚死向前隨缺隨補有千總

馬自易跳上石城砍斃多人被賊匪層層裹住
扎傷身死外委魏朝奉馬殿元兵丁蔡連王庫
等撲上救護亦被賊人戕斃時各路官兵人人
奮怒連撲數次皆未得手天色已晚

臣

宜綿暫

令撤退次日分遣四路官兵更番連撲使賊人
應接不暇以疲其力一面遣人登高瞭望見城
內草屋甚多可用火攻但相距尙遠不能拋擲

火彈隨趕緊製造火箭數百枝令索費英阿於

十九日五鼓後帶領奮勇兵弁由石崖攀援而

上潛至賊人寨後二十日黎明時臣宜綿秦承

恩柯藩督兵從前面進攻索費英阿卽從後面

將火箭放入登時火起草房板屋全行燒著延

及木城煙焰騰起賊匪十分慌亂臣等卽督催

大兵一齊湧上刀砍矛扎死賊匪三千餘人

被焚及自戕男婦又一千餘人奪獲礮位烏鎗

刀矛兵械不計其數生擒賊犯廖景華等三百

餘名訊據供稱賊首係胡知和廖明萬季九萬

王自儉四人廖明萬季九萬俱於寨內被官兵

殺死胡知和王自儉二犯因官兵攻打緊急滾

坡下山未知下落並據稱王自儉係從四川潛

來陝境勾結胡知和廖明萬等起事等情隨據

斑鳩關兵勇稟報於卡所捕殺一人餘匪供係
賊首胡知和割取首級呈驗當向賊寨內查出
廖明萬季九萬屍身交與洞河鄉約及全家被
害之張廷珍等識認屬實隨即剝屍示衆並將
現獲廖景華等各犯一同正法其官兵甫到之
時賊匪畏懼逃避各卡兵勇殺斃者又二百餘
人所有紫陽境內賊匪業已淨盡無遺惟查五

作雲一帶山高箐密多有通川小路現在王自
儉一犯既無下落此外保無翻山越嶺潛竄入

川之事隨派索費英阿帶赴川之兵出斑鳩關

由六道河沿途搜捕先至太平臣宜綿亦帶兵

由毛壩關出境與索費英阿會合先將太平縣

東南一帶賊匪剿除再與觀成英善等會剿東

鄉達州賊匪務期淨盡至興安府屬未盡賊匪

惟安康縣之光頭山一處臣秦承恩柯藩卽會

同剿辦至此次在事出力文武員弁尤爲出力者謹繕名單恭呈

御覽其陣亡受傷弁兵咨部照例賞卹再臣等帶兵

行抵興安卽有率領鄉勇之職員生監呈請投効者十數起各帶鄉兵隨營聽調前於剿除安嶺將軍山賊匪時業將打仗出力之捐職州同縣

丞暨武生等

奏請錄用荷蒙

聖慈允准嗣後攻克青山溝埡駝家壩松樹壩越梅溝大小米溪蒿坪河各賊寨該鄉勇益爲奮勉

出力臣秦承恩復接據湖北竹谿縣知縣宗超

海來稟轉據該縣士民呈稱聞興安匪徒滋事情願自行團練鄉勇一千三百名到省投効等

情經臣等派令隨同各營兵丁打仗甚屬勇往

出力當將各鄉勇隨時賞恤外臣等查帶領各

鄉勇之職員生監等念切同仇頗知大義或自

出貲財召募或捐備資斧隨同照料此次派隨

官兵攻打五作雲賊寨時值隆冬山深雪大奔

走維難俱屬不辭勞瘁又能約束衆人安靜守

法實屬勤能有用相應仰懇

皇上隆恩分別敘用賞銜以爲倡義急公者勸查得
率領竹谿鄉勇捐職州同周岐柏九品職銜宗
登輓率領平利鄉勇從九品職銜涂建邦監生
童燦率領安康鄉勇捐職縣丞宓杰生員劉儀
劉信率領漢陰鄉勇生員張彩率領洞河鄉勇
生員李傳簪張應邦張應選共十一人此內周
岐柏涂建邦宓杰劉儀張彩李傳簪張應邦等

七名尤為奮勉出力周岐柏涂建邦宓杰請以

本銜選用劉儀張彩李傳簪張應邦請以訓導

選用其餘出力之宗登輶請加給正八品職銜

童燦請給從九品職銜劉信張應選請給訓導

職銜再率領白河鄉勇新選福建巡檢張榮珍

現在隨營屢次打仗甚為得力經臣等將其勞

績請給陞銜據稱不敢妄邀陞擢惟伊母年老

懇求照例改選近省以便迎養等語可否俯如

所請

勅部另選之處出自

聖恩又臣宜綿秦承恩前赴鄖陽剿賊帶有書吏宋

廷珪楊起鳳強漪郭際會強配德王萬英陶雲

鶴程慶麟等八名隨營辦事甚屬奮勉內宋廷

珪楊起鳳二名曾於鹽茶軍需案內辦事出力

經前督臣福康安奏明賞給未入流職銜在案

茲隨安康紫陽軍營凡調派官兵撥運軍火一切繕辦妥速跟隨文武員弁晝夜辦公不辭勞瘁宋廷珪楊起鳳年力壯盛心地明白強漪郭際會強配德王萬英陶雲鶴程慶麟等六名隨營數月奔馳辦事亦有微勞謹一併據實奏

聞

同日明興奏言臣於十二月十一日由洞河軍

營帶兵馳赴鄖陽二十四日行抵商南探得楚

匪已向東南逃竄雖去陝境漸遠猶恐有逸匪

竄入卽將商屬各隘口遍歷稽查經鳳邠道王

文湧督率員弁分派兵役鄉勇堵截頗爲嚴密

現有副都統豐伸布帶領滿兵五百名駐劄防

範茲聞宜綿現赴達州會剿川匪臣思商屬地

方俱極平寧卽於二十八日帶固原兵五百名
由商南前往達州協同進剿均奏入

上命軍機大臣傳諭宜綿恒瑞慶成曰洞汝二河賊
匪併人五作雲賊巢負嵎死守經宜綿秦承恩柯
藩索費英阿帶領將弁兵勇乘大雪時分路進剿
攻克賊巢痛殲賊匪數千餘人並將賊首胡知和
廖明萬季九萬殺斃紫陽境內賊匪淨盡無遺所

辦實屬可嘉除另降諭旨分別加恩外宜綿秦承
恩柯藩案費英阿著各加賞金盒一個綠玉搬指
一個大小荷包其帶領兵勇出力之遊擊圖興阿
著卽以叅將陞用都司薛大烈白印斗守備楊虎
千總馬龍張宗諮把總馬存外委傅祿著各以應
陞之缺陞用兵丁袁芝鄉勇向明山俱著拔補千
總馬自易首先跳入石城中矛身死實爲可惜著

卷之三十一
五
咨部照守備例議卹其撲上救護被賊戕斃之外
委魏朝奉馬殿元照千總例議卹兵丁蔡連王庫
照外委例議卹至花梨岡賊衆據卡固守我兵連
撲三次未能卽上適賊匪所用之礮炸裂自行轟
斃此皆仰賴

上天嘉佑助我成功叩謝之餘實深欽感現在祇有安
康縣光頭山一處賊匪經秦承恩柯藩前往剿辦

此等潰散餘匪爲數無幾諒已悉就殲除陝境卽

可寧謐據稱索費英阿卽帶赴川之兵先至太平

宜綿亦卽帶兵踵至宜綿等屢次克捷事機順利

今趁此軍威乘勝直前會合英善等分投剿捕東

鄉太平賊匪自無難一鼓殲除再宜綿年近七旬

該處兵力無多自剿辦興安賊匪以來所向克捷

而永保恒瑞慶成等年富力強又屢添派勁兵助

剿乃竟毫無籌畫專事尾追任賊奔竄其節次打
仗情形問曾有一次能如宜綿等之四面兜擒捕
殲賊衆者乎著將宜綿等摺抄寄閱看使知愧勵

上諭內閣曰宜綿等奏洞汝二河賊匪恃衆抗拒經
宜綿等分路攻剿冒雪前進殺賊多名將首夥各
犯悉數殲擒並無漏網辦理實屬可嘉宜綿秦承
恩柯藩索費英阿除另加獎賞外俱著交部議敘

索費英阿於賊寨迤南進兵連奪五卡官兵得以
乘勢下壓尤爲出力著賞給提督銜以示獎勵又
另單所奏出力八員遊擊圖興阿李昌漢興道文
需知府龔景瀚俱奉旨賞戴花翎知州趙洵莊忻前
已賞戴藍翎亦著賞換花翎千總蔺福陶得福鄔
海慶尙其倫筆帖式宜寧俱著賞戴藍翎叅將富
仁著賞戴花翎守備吳璉知縣龍萬育嵇承裕俱

著賞戴藍翎並以應陞之缺陞用其率領鄉勇尤

爲出力之捐職州同周岐柏等均著照所請分別

加恩書吏宋廷珪楊起鳳均著照吏員之例以八

品補用其強漪等六名著賞給從九品未入流職

銜再向來鄉勇人等久無職銜其因打仗陣亡者

尙不得與兵丁等一體邀卹殊不足以勵其忠義

之心卽如此次官兵進剿洞汝二河賊匪時鄉勇

吳繡才鍾萬周與弁兵等首先奪卡中矛被礮身
死此等能知大義殺賊捐軀之人實堪憐憫自應
格外施恩嗣後除尋常堵禦助勢被害之鄉勇仍
照舊例辦理外其奮勇出衆臨陣被戕如吳繡才
鍾萬周者均著照外委例議卹以示優獎而昭激

勸

初六日丁未惠齡慶成奏言臣等自剿殺王家城

紅土岡賊匪後卽遣人前至梓山察看賊匪情

形旋據回報梓山之賊已向東北一帶放火前

來臣思賊匪明知大兵從東北一路進攻豈敢

轉向迎撲且姚之富等現在竄往西南斷無不

思與彼會合之理是其在東北一帶放火不過

欲牽制官兵遂其遠竄之計當將官兵分爲兩

路臣惠齡與巴克坦布德光等帶領繞往東南

迎擊^臣慶成與訥音六十七等帶領滿漢官兵

由西北抄襲二十七日黎明同時並發^臣惠齡

行抵官潭地方正遇賊匪竄至該處欲行焚搶

居民絡繹奔逃當卽好爲安撫止令毋庸遠去

一面令副將觀祥等帶領馬步兵一千名繞至

官潭之前^臣惠齡帶兵直前迎擊賊匪不意官

兵猝至驚慌失措當卽奔出村口齊上山梁隨

鼓勵各兵併力撲上而觀祥等亦各帶兵趕到

兩面夾攻臣慶成見官潭地方火起星馳踵至

一齊分路進剿賊匪公然抗拒官兵衝入賊隊

攪殺一處觀祥連射二賊時有手執白旗騎馬

賊目一名指揮衆賊圍裏前來把總張進忠持

矛與賊格鬪右脇中傷卒將賊目殺死訥音六

十七等帶領馬兵往來衝突殺賊衆多賊匪不

能抵禦拚命向東南奪路而逃

臣

等督催兵將

隨後追殺殲戮多賊割獲首級一百二十三顆

生擒賊匪李桐阮學文等二十五名奪獲糧食

牛驢無算仍令賞出力官兵外當提李桐等逐

一訊問據稱戮死騎馬賊目名阮進明與劉起

榮等分管賊衆昨劉起榮自王家城紅土岡敗

回想欲逃往東南與姚之富等合併因恐官兵

追剿故向東北一帶放火希圖官兵從彼殺去

卽可遠竄不料又被剿殺等語餘無要供當將

李桐等正法梟示臣等卽於次日統兵前進並

探聞賊匪現逃在容合店山岡屯踞當上對面

山梁察看賊隊分爲六處從西北至東南約有

六七千人豎立多旗支搭棚帳山岡之下率皆

水田高坎蜿蜒小路田內水積泥淤我兵頗艱

馳突惟西北平岡一道離賊隊約二三里若於
此路進攻似易得手隨將我兵分爲八隊馬步
相間鎗矛連接並派侍衛哲克都司岳寧阿先
帶馬兵繞至平岡又派侍衛江鼎祥金保參將
馬斌帶領馬兵從正西一路衝其中隊餘兵遙
相牽制使賊難於併力時己未初臣惠齡等帶
兵由平岡一湧直上賊匪齊來抗拒我兵隨放

進步連環鎗礮如雨賊始轉身敗走經臣慶成

帶領官兵從山溝暗上向前攻擊千總劉鎧殺

斃執旗一賊外委楊存福衝入賊隊墜馬跌傷

賊人上前欲拏該弁奮身躍起生擒一賊上馬

馳回賊衆見官兵驍勇異常悉行潰亂我兵趁

勢追剿又殺斃數十名其東南山岡賊匪兩隊

仍然搖旗助勢當派委前鋒叅領鍾福帶領健

銳火器兩營馬兵從東南山岡壓下德光等帶
領步兵由對面山凹直前撲上賊衆紛紛逃竄
我兵追至相離二十里之五桂井地方賊匪棄
寨前逃沿途拋棄帳房糧食衣物牲畜纍纍不
絕時已二更道路叢雜兵將等轉戰一日未便
枵腹卽於山岡上將營紮住並探聞恒瑞等已
由雙河彭家岡帶兵截剿兩路賊匪勢欲歸併

一處必須分路夾擊臣等已遣弁繞道前往與

恒瑞等密訂日期前後夾攻總期迅擒首逆再

百祥現已補授重慶鎮總兵該鎮歷練戎行打

仗勇往留於軍營固屬得力惟念達州地方正

需鎮將帶兵臣卽令百祥由驛馳赴達州其原

領官兵已交總兵德光一併管領足資約束

同日恒瑞舒亮奏言臣等前在棗陽縣屬梁家

集一帶剿賊因探得賊首姚之富等業經分股

向南逃竄是以

臣

恒瑞碩雲保富成於十二月

十九日卽帶兵與永保等分路剿辦

臣

舒亮阿

爾薩朗亦由張家集前來會合

臣

等卽帶領巴

圖魯侍衛並各營馬兵由李家樓宋家集等處

繞赴賊前攔頭截殺阿爾薩朗富成帶兵隨後繼

進詎賊匪狡獪異常遙見前有官兵復折向正

東奔竄臣等恐其竄入京山卽帶兵繞至雙河

一路截剿殲賊人一百餘名賊匪自知不能

遠遁連夜折向東北而北路之賊已被惠齡等

剿敗向南逃竄是以兩路賊匪仍復歸併在五

桂井一帶屯聚臣等於二十八日已刻帶兵趕

至彭家岡賊匪倚恃夥衆分爲三股佔踞山梁

排列陣勢臣等亦分兵三路富成督率副將穆

維等帶領山東弁兵由左邊前進臣舒亮阿爾

薩朗督同翼長七十五等帶領健銳營滿兵由

右邊前進臣恒瑞督率協領拉明阿等帶領西

安滿漢官兵由中路前進副都統碩雲保帶領

巴圖魯侍衛丑保伊里布等並各營馬兵相機

衝殺又派令知府張璿効力原任知州應先烈

各帶鄉勇五百名在後遙爲聲勢一齊並進賊

人負礮抗拒施放鎗礮擲石吶喊經碩雲保等
從旁超上山梁富成卽乘勢帶兵鼓勇直上施
放連環立斃賊匪多名左邊之賊先行敗退

臣

恒瑞舒亮阿爾薩朗亦俱帶兵併力仰攻三股
賊匪全行潰竄我兵乘勢下壓追殺五六里因
天色已晚且山林重疊未使窮追卽在彭家岡
劄營約計殲斃賊匪三百餘名鎗死執旗賊目

繆玉林等二名生擒活賊十九名訊無要供當
卽正法弁兵間有傷亡容俟查明咨部均奏入

上命軍機大臣傳諭惠齡恒瑞曰梓山賊匪向東北
一帶放火爲牽掣官兵之計經惠齡窺破賊人狡
獪帶領將弁繞往東南迎擊慶成由西北抄襲賊
匪果向東南竄逸官兵兩面夾剿痛殲賊衆餘匪
俱逃至容合山岡藏匿復經官兵乘勝進攻追殺

二十餘里所辦可嘉之至又據恒瑞等奏探得姚之富等分股向南逃逸卽帶兵繞出賊前攔頭截

殺賊匪向東北竄逃隨帶兵趕至彭家岡分路剿

殺殲斃賊匪三百餘名生擒活賊十九名辦理亦

好外委楊存福衝入賊隊墜馬跌傷復奮身躍起

生擒一賊實屬奮勇如果始終出力著卽以守備

超擢千總劉鎧把總張進忠俱殺斃賊目著以應

陞之缺補用以示獎勵其陣亡弁兵著各部優卹

至惠齡奏探聞恒瑞由雙河彭家岡一路帶兵截

剿前來兩路賊匪諒必歸併一處已與恒瑞等密

訂日期前後夾攻等語是該處南北兩路之賊業

經屯聚一處而惠齡所帶大兵亦可與恒瑞等會

合正可四面兜剿聚而殲擒惠齡恒瑞等務宜倍

加奮勉上緊圍剿斷賊匪分竄之路將首逆姚之

富劉起榮張富國等按名擒獲究出劉之協下落

一併生擒殲淨餘匪以靖地方佇盼捷音

初七日

戊申

觀成英善勒禮善奏言

臣

觀成於十

二月初四日率同協領蘇勒芳阿候補叅將呂

朝龍等酌帶官兵五百名啟程回川十九日行

抵梁山接准

臣

英善知會自本月初十日奪佔

馬鞍山賊卡以後賊匪愈肆衝突

臣

觀成兼程

前進隨於二十二日巳刻行至峩城山地方聞

鎗礮之聲探知賊匪現撲冉家壩營卡

臣

英善

勒禮善率領兵勇與賊接仗

臣

觀成卽親督

弁兵加緊行走前往接應我兵正在攪殺間得

添生力兵丁人人踴躍殲斃賊匪甚多餘匪知

有援兵始行退回巢穴二十三日寅刻又據探

役報稱賊匪復率醜類三四千人赴馬鞍山一

帶衝突臣等一面飛飭縣丞余鈺呂朝恩帶領

義勇八百名馳往馬鞍山協同該處守卡都司

五十六等竭力堵禦並派蘇勒芳阿等帶領滿

漢屯土官兵二百名縣丞楊世鼇等帶領鄉勇

二百名呂朝龍等帶領滿漢屯土官兵三百名

經歷盛世綺等帶領鄉勇二百名分爲兩路接

應以防賊匪抄襲詎該匪等竟二路直撲馬鞍

山營卡五十六等督率義勇首王丕承王案祿

等分頭迎擊正在酣戰適蘇勒芳阿呂朝龍各

率兵勇兩路並進分頭衝殺鎗刀弓箭並舉斃

賊一百五十六名賊匪慌亂奔回奪獲刀矛礮

位烏鎗旗幟甚多生擒賊匪二十六名解送來

營內有李有洞戴文彩柳秀元訊係賊目俱卽

正法此次打仗雲騎尉舍楞額千總廖廷超投

劾革職守備陳愷龍文生郭承棧武生余躍先

均各奮勇殺賊受傷陣亡其餘弁兵間有受傷

查明另行咨部

臣

觀成查看賊匪屯聚之張家

觀茅坪一帶俱係懸崖陡壁路徑險要該匪等

層層紮立木城此時屢次衝突自係賊巢人多

糧少是以捨死下山搶掠

臣

英善已經飭匠鑄

造大礮但必須各處設卡逐層圍截方可施放

庶賊匪驚懼潰逃之時即可分投剿殺刻下所
設卡隘俱係雇募鄉勇防守而賊匪竄路甚多
尙應添卡防堵現在兵勇不敷剿捕臣觀成所

調陝兵二百名尙未接准陝省咨有起程日期
伏查新疆五屯及松潘等處原尙可抽調官兵
千餘名因係邊防重地未敢輕動現據綽斯甲
土司因五寨各土司告請撥兵赴達協剿亦差

頭目來營具呈以該土司同沐

皇恩情愿派撥土兵三百名助剿臣等當卽在其所

請因思各處土司均能恭順向化當此剿賊緊

要之時自必人思敵愾是以商同酌調松潘懋
功維州等處兵一千二百名以資剿洗奏入

上命軍機大臣傳諭宜綿觀成英善秦承恩柯藩曰
達州賊匪經官兵奪佔馬鞍山後尙敢屢次衝突

今英善等剿賊時適值觀成帶兵到彼會合夾攻

殲賊甚多所辦尙好其奮勇殺賊受傷陣亡之雲

騎尉舍楞額千總廖廷超革職守備陳愷龍文生

郭承棫武生余耀先均著咨部加一等議卹該處

賊匪屢經官兵剿殺勢已窮蹙自因人多糧少是

以屢次撲卡希圖下山搶掠觀成酌調松潘等處

兵丁一千二百名前往協剿固屬得力但宜綿索

費英阿已經前赴太平達州會剿觀成發摺時自
尙未得信計所帶兵丁共有二千餘名秦承恩柯
藩在光頭山搜捕餘匪後柯藩又可帶兵前往此
時諒已到彼聲勢壯盛務須會同上緊籌辦併力

攻剿

同日

上命軍機大臣傳諭惠齡成德曰軍機大臣審訊已

革署總兵黃瑞據供因張家口係糧運要路在彼
駐劄一節查與從前福寧等奏到圖說尙屬相符
惟所稱沿河地廣兵單會稟請成德添撥兵丁雖
現據黃瑞面呈案據但究係一面之詞又所稱河
面淺窄賊匪係臨時搭橋並非預先搭蓋及賊匪
分作三路偷渡時黃瑞會將大嶺賊匪截殺之處
亦恐係捏詞卸罪未足憑信著將兩次所訊黃瑞

供詞發交成德閱看據實覆奏至惠齡曾在黃柏
山剿辦賊匪於從前賊匪偷渡情形自所深悉並
著秉公據實覆奏再行定擬

初九日

庚戌

惠齡恒瑞慶成舒亮奏言

臣

惠齡慶

成前在官潭等處剿殺賊匪後探得竄匪已逃
往興隆集一帶藏匿並據恒瑞知會自二十八
日在彭家岡將賊匪殺敗賊復折向北逃現在

設法抄截等因 臣 惠齡查兩路逆匪現歸一處

黨夥尙多因思時屆歲除賊諒官兵未必進剿

止可苟延度歲自應乘其無備之時分兵掩擊

當卽會同商酌 臣 惠齡與巴克坦布總兵德光

帶領巴圖魯侍衛江鼎等從槐樹岡一路抄襲

臣 慶成與訥音六十七帶領巴圖魯侍衛哲克

等從紅花店一路迎頭截擊均令馬兵在前鎗

兵繼進並以刀矛互相接應當於三十日三更

同時並發正月初一日卯刻臣慶成先至賊屯

山梁察看山岡前後賊人棚帳共有八處正在

炊爨一見官兵卽齊上山岡排列公然抗拒臣

慶成鼓勵各兵向上直撲賊匪愍不畏死捨命

相持臣惠齡已自槐樹岡繞至賊屯對面見我

兵正在鏖戰卽令江鼎祥金保帶領馬兵衝入

賊隊賊匪雖亦分投迎拒因馬軍橫衝直擊力

難抵禦

臣

慶成帶領兵將馬步並進甘肅把總

陳虎直隸把總張進忠奮勇爭先殺死賊目三

名兵丁趁勢直前無不一當百賊匪自相擁

擠登時忙亂我兵勇氣百倍兵鋒所到無不洞

胸穿腋餘賊棄其輜重盡向東北一帶奔逃

臣

惠齡慶成督率副將觀祥都司岳寧阿帶領官

兵奮力截殺沿途殺死約千餘人適臣恒瑞舒

亮同碩雲保阿爾薩朗富成等聽聞東北鎗礮

之聲亦帶兵截殺前來正遇潰匪狂奔而至卽

率馬兵截擊賊匪見兩路官兵圍剿奪路亂竄

我兵隨勢擊殺又斃七八百人時已天晚雨雪

交作官兵隨追數十里直至七方岡地方賊皆

四散遁逸路徑濘滑當卽傳令各兵紮住官兵

竟夜露宿毫不知疲現查潰敗餘匪俱向西北

逃遁臣等一面分派弁兵在附近一帶搜捕卽

日督兵前進探蹤截殺統計此次殺賊實有二

千餘名內有賊目繆世豪楊開奇等二名觀祥

岳寧阿生擒王國珍等一百二十三人奪獲刀

矛五百餘件牛馬帳房衣服糧食無算當提王

國珍等逐一訊問均係習教從逆屢次抗拒官

兵之犯內有彭萬選樊則典劉葵徐學文劉向
從等五名實係與姚之富等同領教匪執旗頭
目當卽凌遲處死餘皆梟示此次將士兵丁雪
夜兜圍人人用命臣謹擇其勞績尤著者開單
恭呈

御覽再據慶成拏交活賊內有楊應邦一名經候補
知府鄭成基細加究訊據供曾聽得劉起榮說

劉之協現在藏匿河南裕州鄧家河居住之張
洪潮家他們屢欲竄入河南往見劉之協均被
官兵截殺不能過去常密使夥匪趙姓扮作貨
郎往來通信我雖未曾見過劉之協張洪潮趙
姓却是認識他現在劉起榮手下等語臣惠齡
自抵軍營亟欲早得首逆下落當卽親提該犯
審訊無異雖係一面之詞但既有此供自應趕

緊密拏若專派弁兵前往稍有聲張轉恐要犯
遠颺所關非細除一面密行知會景安不動聲
色速卽親往偵密查拏並委員將楊應邦一犯
押解河南交景安查辦奏入

上命軍機大臣傳諭惠齡景安曰鍾祥竄匪自分路
敗逃後屢經截殺歸併一處黨夥尙冬惠齡等於
歲除進兵分路抄截奪據賊匪屯聚山梁恒瑞等

亦帶兵迎殺併力窮追殺賊二千餘人生擒一百
二十餘人所辦可嘉之至惠齡等自剿賊以來在
王家城梓山連得勝仗大挫賊鋒茲復痛殲賊衆
追奔數十里轉戰一晝夜尤爲奮勉出力且當元
日令節獲此大勝事機順利非特惠齡布置得宜
卽恒瑞慶成舒亮亦因貽悞在前各知愧懼奮勉
出力若能迅速葺功不但可贖前罪並當酌量施

恩惠齡著賞給白玉如意一柄大小荷包恒瑞慶
成舒亮各賞給鑲玉如意一柄大小荷包以迓春
祺而昭優眷所有保奏出力人員已降旨分別加
恩矣至惠齡等奏稱審訊賊匪楊應邦供出聽得
劉起榮說過劉之協現匿河南裕州鄧家河居住
之張洪潮家已知會景安查拏並將楊應邦解往
河南查訊等語劉之協爲邪教案內要犯與逆匪

勾結通信甚爲可惡今旣向賊匪究出該犯蹤跡
所供自屬確實著傳諭景安如能親往甚善倘實
不能遠離卽派委妥幹員弁不動聲色在裕州密
訪查拏務須迅速擒獲則邪教匪徒可以淨絕根
株所關甚要不可使聞信遠颺又致漏網

上諭內閣曰惠齡奏正月初一日殺賊二千餘名轉
戰數十餘里此次在事出力員弁均屬奮勉應照

所請量加獎擢所有三等侍衛江鼎著賞給騰額

特巴圖魯名號藍翎侍衛塔什蘭著賞給綽克托

巴圖魯名號甘肅副將觀祥著賞給阿克達楚喀

巴圖魯名號健銳營委章京烏勒興阿著賞給喀

屯巴圖魯名號西安防禦札勒杭阿著賞給噶勒

炳阿巴圖魯名號直隸都司岳寧阿著賞給薩勒

杭阿巴圖魯名號都司郭成緒著賞換花翎知州

阿林著賞戴花翎千總劉愷把總張進忠陳虎著
賞戴藍翎二等侍衛丑保著授爲頭等侍衛二等
侍衛祥金保著授爲二等侍衛藍翎侍衛哲克著
授爲三等侍衛所有此次打仗一晝夜之兵丁俱
著賞一月錢糧以示鼓勵

卷之三子卷之五

...

...

...

...

欽定剿平三省邪匪方略正編卷一十六

丁巳年

正月十二日

癸丑

福寧奏言

臣

因黃柏山賊匪恃

險負嵎連日熟籌進剿機宜察探賊人動靜自

我兵連奪要隘復於可通路徑添築卡柵捨

命抗拒其附近巢穴地方山勢愈高路徑愈窄

不特將進兵道路盡行挖斷且於木柵外堅築

石牆深挖濠溝爲死守計

臣

思我兵四面環攻

賊人早有準備必須另行覓路從間道進攻

臣

一面密遣熟識路徑之鄉勇務於四山之間踞

探一線可上之路一面分札各路鎮將並知會

成德文圖等遇有可進之機卽行設法攻剿適

值十二月二十以後密雨不止旋又霏雪漫山

遍谷不辨途徑實有萬難登陟之勢

臣

焦急萬

狀直至二十六七日天色晴霽適前遣探路鄉

勇回營稟稱黃柏山西北有老米山一座高可
萬仞一線盤上但能攻得便離賊巢不遠等語

臣思此路一經得手即可進搗中堅當卽飛咨

成德文圖並飭知各鎮帶領將備兵勇分投攻
撲以牽賊勢並因四方臺急須攻得臣又添派

兵勇令遊擊靳文銓把總蕭聯陞等帶領前往
成德文圖處協力攻撲二十八九等日成德文

圖帶領協領果勒門阿等進攻小薄道嶺併力
攻擊守備李根長鼓勇先登手刃四賊成德文

圖督領兵勇乘勢而上賊人詭詐百出俟我兵
逼近石橋暗於卡牆眼內施放鎗箭官兵毫不
退避連撲五次不能得手又同時派兵一路從

打鼓坡繞道由山溝潛行齊攻薄道嶺山尾賊
卡跳過二道濠溝連得賊卡二座而賊人守拒

甚力將至山半滾木播石亂下行營守備歐愷
把總盛殿元外委郭喜覃登貴鄉勇白勝梅俱
受鎗石傷所得小卡地勢孤懸不便存紮總兵
諸神保帶領遊擊何大標等從土地口撲上賊
卡拋擲火彈將草棚內藏積糧石包穀一併焚
燒乘勢仰攻賊人抵死相持鎗石亂發我兵倍
加奮勇前隊被壓後隊復上至午後賊匪愈多

並分黨抄襲我後諸神保督率都司蘇雲煥冶
正恩候補千總李占甲帶兵迎擊殺斃甚多關

騰帶領候補副將許文謨等由牛角尖進兵賊

匪瞥見官兵卽率賊黨分路抗拒該鎮派撥弁

兵分投迎擊守備劉貴朝外委黎江李官俸鄒

元雄奮不顧身直前殺賊兵勇人等無不用命

賊匪被殺甚多奪得鳥鎗刀矛攔牌數十件總

兵慶溥帶領候補叅將董寧川等由天池口一帶進取雷家坳賊卡派撥守備孫應奉等攻撲將軍慶賊卡賊匪分夥抵禦木石並下我兵毫不畏却守備李光晟衝入賊隊連殺四賊隨將賊卡焚燒賊匪墮巖死者不計其數守備郭朝鳴受傷甚重臣於二十九日三鼓督率遊擊多福候補道伊精阿等及漢土官兵並同知常丹

葵木特布所帶鄉勇從桃山坪一路潛進渡河
直至老米山脚下路徑盤屈僅容一人駐足

臣

當卽鼓勵弁兵等攀藤繭葛魚貫而上行至半
山卽係賊人頭卡我兵出其不意奮勇上撲鎗
箭齊發擊斃多人餘賊抵敵不住紛紛潰散我
兵隨後追殺趕至賊人二卡伊精阿常丹葵木
特布率同鄉勇鼓勇則進奮力攻撲又將二卡

奪獲從此而上山勢更陡常丹葵激勸兵勇儘
向奮擊直抵賊人三卡賊人已有準備各持器
械抗拒當有鄉勇周日成謝文現等首先迎擊
立斃賊匪數人我兵隨後齊上擊殺賊人二百
餘名當將三卡奪佔察看形勢已離山脚約二
十里望見賊人尙有第四卡在對面最高山頂
更爲扼險臣復鼓勵將備乘勢攻克當有守備

楊清棟章憲帶領兵勇奮力前進將至賊卡賊人見我兵將近卽施放鎗箭官兵鼓勇迎剿殺斃賊匪更多賊人併力死拒並將大木擣石乘高推下我兵仰面上攻不遺餘力章憲及土把總任占朋被傷陣亡楊清棟亦帶石傷連攻數次弁兵人等帶傷者不少且兩日一夜向上仰攻於極高極險之處連奪三卡兵力未免稍疲

不得不暫行休息而第三卡地方狹窄又在第
四卡之下不得地勢未便駐兵只可再爲設法
進取擒獲賊目覃振耀周克名二名訊據供稱
林之華自恃山險人多見官兵攻打甚緊抵死
守禦凡有要隘地方添卡壘牆日日令人伐木
運石堆在卡上俟官兵向上攻時一齊滾擲下
去糧食牛羊等類尙多等語餘無要供當卽凌

遲臬示此次各路連得勝仗臣間道旁攻連奪

三卡賊匪勢已窮蹙惟該匪等熟知地形竄聚絕險固須設法急攻但周圍寬濶路逕紛歧亦

須防其情急圖竄臣現會同成德文圖等四面

密爲防範一面相機進剿奏入

上命軍機大臣傳諭福寧曰福寧奏間道進攻奪獲賊卡一摺所辦可嘉現屆年節福寧等統兵打仗

奮勉出力著賞給福寧金盒一個青玉搬指一個
大小荷包成德文圖著各賞金盒一個綠玉搬指
一個大小荷包諸神保關騰慶溥著各賞綠玉搬
指一個大小荷包以示獎勵所有出力各員弁伊
精阿著以道員先補守備李根長歐愷劉貴朝李
光晟楊清棟同知常丹葵木特布把總郭朝鳴盛
殿元外委郭喜覃登貴如果始終奮勉酌量以應

陞之缺陞用鄉勇白勝梅周曰成謝文現著酌量
以外委拔補打仗兵丁著賞給一月錢糧守備章
憲土把總任占朋俱因仰攻受傷陣亡殊爲可惜
著咨部加一等優卹此次福寧從間道進攻固屬
一法但該處山勢險峻兵丁等攀藤附葛魚貫而
上究未免冒險嗣後仍當畧加慎重現在賊勢已
困卽稍遲數日朕亦不忍催促福寧等惟當設法

圍堵截賊下山竄逸之路此為最要

十四日

乙卯

宜綿奏言

臣

於十二月二十六日起

程赴川所過紫陽毛壩關等處不惟跬步皆山

抑且連日雨雪道路險滑行走甚艱

臣

途次連

接英善等來札知東鄉賊人勢甚猖獗縣治危

急

臣

督率弁兵倍道行走於正月初二日趕抵

太平即派鎮臣索費英阿帶兵一千名前往東

鄉堵禦去後旋於初三日接署達州知州劉佳

琦稟稱東鄉縣城於十二月二十九日已被賊

匪搶佔等語

臣

聞信不勝焦憤本應帶兵迅往

收復惟查太平之通天觀高家寨南津關三處

屯聚賊匪約有一萬餘人其地卽係赴東鄉必

由之路若不先將太平地方廓清賊必阻遏後

路腹背受敵所關非細甚或竄合東鄉賊營併

力抗拒更覺棘手臣現在跣明路徑剋期分道

進攻先將後路肅清再行收復東鄉但達州距

東鄉僅九十里道路平坦無險可守賊匪晝夜

窺伺雖有觀成英善在彼堵剿聞兵力甚單臣

卽飛飭索費英阿將救援東鄉之兵由小道繞

赴達州隨同觀成英善相機辦理俟臣將太平

賊匪掃除淨盡再將東鄉之賊兩面夾攻自可

易於蕨事再臣接觀成英善來札據稱各處邪

匪紛紛起事非厚集兵力不敷分剿務於原帶

官兵之外再將陝甘各營調兵五千名以資剿

捕臣以附近各營分並無可調之兵再四籌度

酌調延綏鎮兵五百名甘州提標兵五百名洮

州土司兵一千名令其星夜趕赴川省會剿又

湖北竹谿鄉勇前在興安自請投効頗爲得力

臣

已帶來兵五百名仍飛札秦承恩再調一千
五百名來川道路較近更可計日而至奏入

上命軍機大臣傳諭明亮額勒登保德楞泰惠齡宜
綿曰英善等現在達州剿賊宜綿甫至太平東鄉
賊匪因無兵駐守乘間搶佔縣城寔爲可惡現在
宜綿先將太平之通天觀等處之賊剿除廓清後
路再行收復東鄉並以達州距該處甚近兵力較

單飛飭索費英阿繞道前往與觀成英善兩面夾
攻所辦尙好至延綏及甘洮各營內酌調官兵二
千名赴川會剿一節陝甘地方關係緊要亦未便
多有調撥現在湖南苗疆已定前曾降旨令明亮
帶兵赴川額勒登保德楞泰帶兵分赴長陽鍾宜
一帶今思黃柏山一路已有勒保帶領貴州之兵
到彼與福寧等會合足敷搜捕而鍾宜一路惠齡

到彼連得勝仗痛殲賊匪此時川省正關緊要著

明亮等酌量如此旨到時湖南永綏龍團一帶道

路一律疏通祇須酌留官兵駐守明亮額勒登保

德楞泰二人竟帶領得勝之兵取道速赴東鄉併

力剿賊如湖南尚須兵力彈壓則明亮額勒登保

德楞泰三人內酌留一人帶兵駐彼其二人卽帶

應撤各兵赴川會剿又惠齡乘得勝之勢四面兜

截能將姚之富等拏獲則卽有一二逸匪易於搜捕該處帶兵大員甚多不妨酌留一二人與汪新等查拏餘匪惠齡亦卽同帶兵各員率領得勝勁兵就近由鄖陽赴川協剿但明亮等到彼尙須時日宜綿現在太平將通天觀等處賊匪撲滅卽可速赴東鄉先行籌辦諒不肯坐待明亮等到彼始行會剿至所調陝甘各兵一時未必卽能到齊明

亮等帶兵由湖南取道酉陽涪州前往自必迅速
著宜綿接奉此旨酌量情形如所調陝甘兵丁不
便停止卽當聽其來營協剿嗣後再不可另有添
調若明亮等到彼兵力已敷卽當將續調陝甘各
兵就近先令歸伍以重地方

十七日

戊午

惠齡恒瑞景安慶成舒亮奏言

臣等

前在興隆集痛殲賊匪後復分派弁兵於附近

村莊逐一搜捕又獲敗匿餘匪三百餘人隨時

訊明正法一面探知賊匪連夜向西北奔竄欲

赴都司衙一帶地方該處地勢平行無險可扼

必須迎頭截擊庶不致有蔓延臣惠齡派撥副

將丁有成穆維李紹祖佟世徵各帶本營官兵

分堵上下薛家集及石橋泰山廟等處以截敗

逃之路臣恒瑞慶成舒亮同副都統碩雲保等

分領馬隊抄襲迎剿臣惠齡同都統巴克坦布

等分率步兵隨後策應其時臣景安正在倉臺

一帶與總兵王文雄分路堵截初四日探聞賊

匪分股向西北奔竄之信查倉臺為唐縣門戶

水臺新店舖魏家集都司衙等處係新野鄧州

南面要路三尖山李官橋係入浙川內鄉要路

均須節節防堵臣景安當卽留兵五百名令遊

擊周永烈防守倉臺先令叅將賈福佐領清書
帶兵四百名卽由魏家集一帶馳赴李官橋會
同前經派往三尖山之遊擊六十五互相策應

臣景安卽與王文雄各帶兵五百名分赴水臺

新店舖迎頭截剿臣景安馳抵水臺賊匪適至

望見官兵不敢北竄旋即折而西向正遇王文
雄由新店舖迎剿前來官兵奮勇上前鎗礮兼

施賊匪紛紛逃竄其時臣景安亦已趕及卽同

王文雄復帶馬兵追殺十數里馬衝箭射殲賊

無數是日叅將廣福等行抵魏家集有數百賊

匪甫到不意官兵猝至四散逃竄該將等連夜

追殺因李官橋緊要卽帶兵馳赴防守臣恒瑞

慶成舒亮等帶領大兵繞至都司衙附近山梁

察探賊匪已竄丁家集黑龍集都司衙等處分

起屯聚相離各有十餘里不等約共賊匪一萬

數千人

臣

等若一齊分攻轉覺兵力單薄自應

先從北面丁家集迎頭掩擊當卽帶領馬隊抄

至丁家集賊屯之北詎賊匪瞥見馬兵將到蜂

擁直撲前來我兵奮勇衝殺賊衆不能抵禦奪

路而逃復與黑龍集都司衙等處之賊合而爲

一臣

惠齡等帶領步隊迎至復縱兵圍殺賊見

前後皆有官兵拚命衝突我兵鎗箭刀矛如牆
而進登時殺死六七百人因地勢散漫餘匪四
竄奔逃副將丁有成穆維等四處堵截之兵一
齊出卡剿捕除殺斃外解送活賊一百三十四
名查探各處賊匪乘夜復向秦家集一帶屯聚

臣惠齡等卽分路各帶馬步弁兵向前截殺

臣

景安亦帶兵從白樂堰蓮池寺沿途搜捕前來

各路官兵一齊攻擊賊匪措手不及紛紛潰散

臣等鼓勵將士分投追殺數日以來賊匪東西

竄徙忽避忽迎時散時聚臣等連次圍剿各路

殺賊共二千餘名臣惠齡等一路生擒喬全芝

等八十三名臣景安一路生擒劉應寬等三十

五名當提各犯訊據供稱賊匪因屢被官兵剿

殺又向楚豫兩省糾集多人入夥商謀欲由鄧

州一帶竄入李官橋三尖山今被官兵截殺敗
竄不知又欲何往等語當將各犯等正法奪獲
牛馬糧食分賞出力兵丁刀鎗等項留貯營中

餘俱銷燬臣等踏探賊蹤察看地勢必須先遏

其奔竄西北之路現在西南一帶有刁河一道
已令總兵王文雄帶兵堵截可以無虞惟三尖
山李官橋二處雖有廣福清書六十五等帶兵

第一千名分駐把守但兵力尙單查李官橋迤東

全店地方係屬要路臣慶成同碩雲保訥音六

十七等帶兵馳往扼要截殺臣恒瑞同阿爾薩

朗總兵富成德光等帶兵由西北一帶進攻臣

惠齡景安舒亮同巴克坦布等帶兵由東北一

帶兜剿再查楚豫兩省習教之犯處處皆有祇

以畏懼官兵未敢出而從逆一經賊匪逼脅招

邀千百成羣一呼而至兼以地勢平行道路紛

岐無險可扼賊人生長此地凡有捷徑小路無

不熟悉往往官兵探明賊蹤直前攻擊賊已聞

風預從他處逃逸不但兵力徒勞且使迎剿之

兵轉成尾追之勢是襄陽一帶與灌灣腦涼山

黃柏山之聚於一處者情形迥不相同自應分

兵四面於各要隘處所相機堵截現有官兵爲

數原不爲少若分路兜擒派守要地卽未免頓
形單薄河南現雖有兵二千餘各分防城池及
堵禦要隘處所旣多亦不敷用因思現在苗疆
底定議請撤兵自應先將湖北省調去滿漢官
兵先行撤回襄陽以本地之兵剿本地之賊其
道路形勢旣係周知可無虞其旁竄而道非窺
遠不過半月內外可以陸續到來卽剋日竣事

令其搜捕餘匪亦較他省之兵得力更可無庸
議留別省官兵在襄加一壓似覺兩有裨益

同日惠齡景安又奏言臣等欽奉

上諭令將永保等何以漫無調度及恒瑞慶成舒亮

等隨同貽誤之處逐一查明據實覆奏臣等伏查

永保等統兵進剿數月以來雖屢獲勝仗因襄

棗一帶爲賊匪出沒之所熟悉路徑東擊西竄以

致去年秋間賊匪竄回雙溝擾及豫省邊境官兵極力窮追頓形疲乏永保等奏請添兵仰蒙

皇上簡發京營勁旅及直隸山東官兵六千名前來

兜剿

臣

景安每見永保因不能迅速滅賊自恨

限於才力實深焦急且不敢稍避嫌怨並非有心因循貽悞恒瑞領兵打仗頗屬勇往不辭勞瘁至叅贊機宜因與永保分營居住不能每事

商議慶成統領直隸兵與永保同營居住永保
因其先到數十日地勢情形較熟一切調度多
與商議慶成未免少年高興好謀少斷一切調
度緩急不能悉中機宜舒亮打仗亦屬奮勉至
巴克坦布阿爾薩朗訥音碩雲保到營未久地
勢尙未熟悉奮勉打仗則有餘叅贊機宜則皆
不足現在永保業經革職解京恒瑞慶成舒亮

不能叅贊合宜亦有應得之咎但領隊打仗尙
屬奮勉且自臣惠齡到營後加之勉勵頗知振
作並見永保奉

旨草職解京倍形凜畏各願立功自贖此時正當剿
辦喫緊仰懇

皇上天恩俯念帶兵需人將恒瑞慶成舒亮留於軍
營効力如果倍加奮勉將功折罪倘再因循貽

悞臣惠齡自當據實叅奏不敢取和姑息致負

委任均奏入

上命軍機大臣傳諭明亮額勒登保德楞泰惠齡曰
惠齡等奏官兵剿截賊匪痛加殲戮後餘匪復向
秦家樓一帶屯聚惠齡等因襄陽一帶地勢平行
路徑分岐無險可扼官兵分路兜剿尙覺不敷現
在苗疆底定請將湖北省調去滿漢官兵先行撤

田所見亦是昨因川省東鄉賊匪搶佔縣城亟須
剿捕已降旨令明亮額勒登保德楞泰三人帶領
得勝之兵速赴東鄉協剿今據惠齡等奏到情形
賊匪四處奔竄官兵難以兜截視東鄉賊匪竄聚
一處者轉爲緊要此時明亮額勒登保德楞泰且
不必前赴東鄉竟當同赴襄陽併力合剿所有湖
南應撤兵丁除四川之兵卽令速回本省外其原

調湖北之兵著明亮等卽速帶至襄陽並於所調

各省兵內再行酌帶若干同赴襄陽先將該處竄

聚之賊會合攻擊擒孥首逆剿淨餘匪再察看情

形移兵他處惠齡等現在襄陽必不坐待明亮等

到彼始行進剿倘明亮等自湖南起程後而惠齡

等已先將姚之富等孥獲剿辦完竣卽當咨會明

亮等停止前來仍酌量何處賊匪緊要卽知照伊

等三人分赴何處以期迅速歲事至查奏永保等
前此貽悞情形所言皆屬公論前此永保因循貽
悞恒瑞等隨同附和原不得辭其咎今恒瑞等既
已各知愧懼尙能奮勉自當留於軍營効力以贖
前愆而策後效至所稱楚豫兩省教匪甚多一經
賊匪逼脅招邀千百成羣一呼而至等語襄陽一
帶毗連楚豫同教匪徒在處皆有現在剿捕之際

帶兵各員自應一意剿賊不可姑息但此等匪徒

甘心從賊者固多而被賊逼脅入夥者亦復不少

惠齡等仍當預爲出示詳悉曉諭以伊等本係良

民被誘入夥如能及早投出無論本係良民出於

逼脅者固不復究其從賊之罪卽平日實係邪教

如能自行悔悟臨時棄械投誠亦當予以自新赦

其前罪如此廣爲開導俾賊黨漸行解散官兵等

更可專心併力擒拏賊首果將姚之富等悉擒其
餘夥黨自不能復行糾聚於剿捕更爲得力並著
惠齡汪新一體遵照妥辦

十八日己未觀成英善勒禮善奏言達州賊匪自

攻撲馬鞍山以後於十二月二十七日率同醜

類一二千人分作三路來撲冉家壩營卡臣等

督率將備兵勇用鎗礮轟擊斃賊四五十人始

行還去二十八日又率二三千人復來撲卡臣

等密派叅將呂朝龍等帶領滿漢屯土官兵二

百名縣丞呂朝恩典史陳棟帶領鄉勇二百名

繞赴賊匪後路抄襲截殺臣等率領協領蘇勒

芳阿等各帶官兵分爲兩路直前迎擊該匪等

竟敢捨死來撲自辰至未猶不退避適呂朝龍

等率領兵勇繞至賊後喊聲大震匪衆驚惶始

行折回奔走我兵兩面夾擊生擒賊匪十七名

立即一一正法點查殺斃賊屍計八十五具奪

獲刀矛一百零六件小旗二面二十九日賊匪

復有數百人在茅坪一帶高阜深林之處搖旗

吶喊_臣等因思匪衆節次出巢撲卡勢甚兇悍

此次僅止數百人自係虛作聲勢意欲牽掣我

兵別有他路衝突查東鄉縣沿河一帶雖有佛

任帶領滿漢屯土官兵在彼防守但冬令水涸
可以跣淺涉渡之處甚多當卽飛遣弁員星赴
東鄉探聽並密知會佛在巖加防守旋於三十
日申刻據四路探弁回營報稱東鄉縣屬豐城
賊匪因被困日久於二十八日傾巢而出直撲
姚家壩隘口該處守卡遊擊范懋守備楊成白
因衆寡懸殊俱各受傷陣亡匪衆直往東鄉攻

撲佛住分兵前往堵禦不料張家觀匪衆亦率
衆數千分作四路於二十九日在河水稍涸之
處直撲過河各卡兵勇抵禦不住佛住督率滿
漢官兵竭力接戰因兵力稍單兩面受敵不能
支持佛住遂被戕害其隨從之協領塔克新佐
領石柱防禦貴隆額勒精佈委員知縣陸霖東
鄉縣知縣張寧陽典史楊永錫等亦皆陣亡現

在曲城匪衆與張家觀之賊俱已闌入東鄉縣

城肆行焚掠臣等查賊匪旣已過河自東鄉至

達州計程不過百里沿河並無險要可守萬一

該匪等直撲州城截我運道更爲可慮臣等一

面飛派叅將增順都司安知峒抽帶兵勇五百

名先赴達州協同地方官防守城池保護運道

一面籌議帶兵繞道馳往剿殺詎該匪等復率

匪衆於初一初二初四初五等日連次分路直

撲冉家壩一帶營卡雖經臣等親督兵勇隨時

擊退但兵力無多不能抽帶前往東鄉剿捕查

督臣宜綿業經行抵太平縣境內剿賊臣等一

面札商宜綿酌派鎮將帶兵速赴東鄉剿洗並

再添調附近川省之陝甘兩省各標鎮營官兵

數千名以備分投堵剿一面飛催前調本省松

潘懋功綽斯甲等處漢土官兵一千五百名兼

程來營

臣

等卽帶往收復東鄉縣治斷不敢因

循觀望益滋咎戾再

臣

奎舒自德勒格查辦夷

務事竣前來達州幫同協辦今於初六日馳抵

軍營現與觀成等等商一切事宜奏入

上命軍機大臣傳諭明亮額勒登保德楞泰宜綿觀

成英善日觀成等奏賊匪復犯東鄉官兵衆寡不

敵致被搶佔並戕害文武各員竟不成事前據宜
綿奏將太平通天觀等處賊匪剿除卽行收復東
鄉此時自己早抵該處今據觀成等奏到情形賊
匪人數衆多勢較猖獗英善等此時兵力旣不敷
調撥惟當加意固守轉不得冒昧輕進致有損失
卽宜綿所帶兵力亦屬無多仍須留心慎重不可稍
涉大意前所調陝甘兵丁應卽催令迅速前赴該

處以便併力攻剿昨已諭令明亮額勒登保德楞

泰三人卽帶苗疆軍營撤回湖北之兵前赴襄陽

一帶會剿今東鄉尤爲緊要亟須尅期撲滅該處

帶兵大員本少而英善等又未經軍旅之事著明

亮德楞泰二人接奉此旨將四川應行撤回駐防

綠營屯土各兵先帶數百名馳赴東鄉其餘應撤

各兵另派將領亦卽隨後分起迅速續往明亮等

到彼務須會同宜綿觀成英善等痛加剿洗將賊
衆悉數殲除至惠齡一路卽著額勒登保帶領撤

回湖北兵丁速赴襄陽會同兜剿庶兩處皆有多

兵合擊可期迅速集事至佛住在東鄉陣亡可惜

之至佛住本係派住哈密辦事大臣因路經陝省

告請赴川幫同剿賊今在東鄉殺賊捐軀且伊父

三泰從前亦係陣亡尤爲可憫伊本有世襲子爵

將來從優議卹例應給騎都尉又一雲騎尉著宜
綿於事竣後再行咨部照例辦理其餘陣亡之協
領塔克新等亦統俟剿捕完竣一併咨部加一等

優卹

十九日
庚申

上命軍機大臣傳諭宜綿惠齡曰昨據英善等奏賊
匪自豐城等處分路搶佔東鄉縣治並未將賊巢

及道路情形繪圖呈覽因檢閱英善從前奏到之

圖如太平縣及現在賊匪竄據處所並未繪入現

令軍機大臣繪圖發往著宜綿英善卽將現在賊

匪屯聚地方逐處粘簽註明如所繪各該處山川

形勢尙未詳悉仍卽另行繪圖呈覽再昨據惠齡

奏安襄一帶無險可扼賊人生長此地凡有捷徑

小路無不熟習迨官兵探明賊蹤直前攻擊賊匪

預從他路逃逸等語因思軍營雇募鄉勇甚多且

百姓中亦必有素屬良善切齒賊匪者伊等亦俱

生長其地熟悉路徑惠齡等何不令伊等作爲嚮

導訪明偏僻小路或聲東擊西或出其不意邀截迎

擊卽於賊人竄逸小路預爲埋伏計誘用兵之道

在於出奇制勝並有以少擊多以寡勝衆者豈賊

匪萬餘必須官兵數倍攻圍方能剿淨乎

二十日辛酉惠齡恒瑞景安慶成舒亮奏言臣等

自分路兜剿以來賊匪狡獪異常恃其熟悉路徑躲避官兵分股逃竄當卽公同商定分撥官

兵於十一日丑刻同時並發詎賊匪探知三尖

山李官橋全店等處皆有官兵堵截卽於昏夜

抄繞小道向北奔竄至吳家店迤南地方臣恒

瑞等適帶兵間道馳至相遇接仗臣慶成等聞

信亦帶兵馳赴策應與恒瑞合擊時賊衆數起

排列高岡見官兵直前圍擒岸然不動臣恒瑞

慶成隨將馬兵分爲兩翼從旁抄擊阿爾薩朗

富成德光帶領鳥鎗步兵趕近山岡向上施放

賊竟公然抗拒我兵爭先齊進刀矛鎗箭一時

競發馬隊人等橫衝直擊賊人四散狂奔我兵

從後掩擊殺死執旗賊首三名賊夥四五百人

臣

惠齡景安舒亮巴克坦布適由東北兜剿前

來聽聞鎗礮之聲卽督率官兵馳往接應因賊

匪後隊見在前之賊已被殺敗折向東南一帶

而逃正遇

臣

惠齡等帶兵迎至賊匪前後受敵

拚命直前撲犯

臣

惠齡景安等卽帶鎗箭各兵

分占山岡俟其將近同時擊射並於兩旁安設

大礮數位轟其中堅鋒鏑所臨賊匪如牆而倒

臣恒瑞等帶兵追至兩路夾擊伏屍枕藉餘匪

散漫奔逃官兵追殺二十餘里時已深夜風霧

交作官兵露宿休息一面分遣幹弁連夜四出

偵探旋據回報賊匪仍折回梨園岡一帶收聚

散亡似欲西竄臣等仍將兵分三路卽於十二

日黎明各帶原領官兵前往迎捕並令巴克坦

布王文雄於禹山湯山等處帶兵埋伏臣恒瑞

慶成於趙家岡地方瞥見騎馬賊匪多人頭纏

白布手執白旗正從山溝擁出一見官兵攔路

向前直撲當令馬兵鎗兵前後排開俟其將近

然後掩殺山東遊擊那爾太首先衝入賊隊射

死騎馬執旗賊目一名大兵一擁而進賊匪卽

越溝奔上山梁我兵直前剿捕奮勇上攻賊匪

放鎗擲石抵死抗拒正在相持之際臣惠齡等

已由東北繞至趙家岡後卽令馬隊先從西面
順坡而上一至山梁縱馬前馳賊匪不能站住
退下山切我兵從上壓下遠者鎗打箭射近則
刀砍矛戳賊向趙家岡迤北竄逃富成德光帶
兵馳往追擒甫至半途於山溝內突出伏匪三
千餘人左右迴繞而來逃竄之賊復折回助勢

臣

恒瑞慶成帶兵迎頭趕來分遣馬兵衝入賊

隊攬殺時有臣景安派往李官橋防守之叅將

廣福等聞知官兵與賊接仗卽帶兵由斜徑衝

出鼓勇剿殺兩路夾攻殲賊五六百人臣惠齡

等統兵趕到分投截殺賊人抵死衝突急向東

南禹山一帶奪路而逃正遇巴克坦布王文雄

兩路伏兵齊出賊匪折向南竄適臣景安帶領

馬步弁兵由李家樓抄至大兵四合鎗箭密下

殲斃賊匪一千餘人其分投逃竄之賊經官兵
追至丹江投水淹斃四百餘人餘俱殲戮無遺

生擒張正林等三百四十三名割獲首級八百
二十餘顆奪獲糧食牛馬刀矛不計其數分賞

兵勇當提張正林等逐一訊問據稱姚之富張
富國劉起榮等因昨在吳家店被官兵殺敗欲
圖牽制官兵卽將各賊分爲三起每起四五千

人不等三更時向東西北三面分路逃竄等語

當將各犯概行梟示此次副都統銜六十七奮

勇殺賊左膊帶有矛傷尙輕現仍帶兵打仗兵

丁間有傷亡另容查明咨部臣等查此番各路

兜剿統計殺賊實有三千餘名惟賊人既有三

股分逃之供臣惠齡已令侍衛烏什哈達翼長

富廉帶兵前往西路老河口一帶嚴密截剿至

東北一帶臣景安先已派撥官兵分段防堵臣

恒瑞慶成舒亮各帶馬步官兵分投前往兜截
務使賊匪仍聚一處痛加圍剿以期悉數殲擒
同日畢沅奏言查竹山縣紳士接遞房縣邊卡
傳單捏稱有二萬餘人約期來攻房縣一事前
奉

諭旨令臣訪拏嚴究茲據襄陽道胡齊崙在襄陽交

界地方盤獲沈訓一名究出夥黨習年生劉文

廣前在保康竹山布散傳單情由飛行鄖陽府

知府王正常立將該犯等拏獲訊明劉文廣一

犯因病解至鄖縣監斃將習年生解襄飭委胡

齊崙知府舒山訊得沈訓籍隸湖南臨湘縣向

在豫省傭工與素識之保康縣人習年生劉文

廣俱從河南人曹子芳習教送給振基錢文本

年四月約同來襄投入姚之富賊營屢次焚劫

抗拒官兵七月內姚之富因官兵剿捕緊急遣

合該犯等三人假作難民糾同教之汴梁人曹

洪恩聚衆援救該犯等探知曹洪恩先已來襄

被守卡鄉勇殺斃沈訓見事不諧又見兵勇處

處堵截難以回復起意捏造傳單二紙稱有房

縣九道梁一帶逆匪二萬餘人於八月十四日

聚齊先行搜山後攻房縣給習年生劉文廣分

赴保康竹山沿卡傳知希圖嚇散鄉民牽制襄

陽官兵往援以便姚之富等乘間竄逸沈訓仍

在襄陽布散流言探聽信息致被拏獲提回習

年生嚴加鞫究備悉前情並據堅稱曹洪恩實

已殺斃曹子芳現在姚之富賊營亦不知劉之

協下落隨令沈訓默誦傳單字句相符其爲該

犯等捏造無疑臣恐襄陽另有匪黨通同煽惑

之事再三究詰矢口不移當於審明後卽將沈
訓習年生凌遲處死已故劉文廣亦飭戮屍一
併傳首鄖陽各卡梟示以申

國憲而快人心

同日景安奏言臣前准惠齡知會生擒賊夥楊

應邦一犯據供劉之協現在河南裕州鄧家河

居住之張洪潮家藏匿等語 臣 因帶兵堵剿難

以分身臬司陳文緯現在南陽辦理軍需當卽
密飭該司速赴裕州不動聲色慎密查拏務期
必獲茲准惠齡將楊應邦一犯委員押解到來

臣 覆加究詰所供情節相符現已飭委委員將
該犯解交臬司陳文緯帶往躡緝均奏入

上命軍機大臣傳諭惠齡恒瑞景安汪新日惠齡等

以淨根株况既經訊明住址及窩留之家更易蹤
跡掩捕此時會否就獲並著速行馳奏又據畢沅
奏審明捏造傳單之沈訓一案訊出沈訓會拜曹
子芳爲師曹子芳現在姚之富賊營等語該犯亦
係傳教要犯助賊爲逆著傳諭惠齡等務須留心
查拏勿任漏網但此事係上年秋間發覺何以遲
至此時始經獲犯審辦究屬遲延現在該處民人

是否寧謐並者汪新就浙查明覆奏

同日

上命軍機大臣傳諭惠齡景安曰慶成前在安南軍營曾有勞績又因伊係五福之孫是以擢至提督且年力富強正堪造就此次派往湖北軍營冀其得力近聞其不曉軍務且年少識淺往往自作聰明衆心多不悅服朕於臣工等舉錯賞罰一秉大

公汝二人從前原未與慶成共事無所迴護著熹
齡景安查明慶成如果有剋扣徇私不得兵心等
事卽一面據實奏聞一面著慶成回京